

ENSHOKOLEZI NAMBÛLE KULI BIBLIYA Y'AMASHI

Bici rhulongolera bula? Omulemi wirhu aba muguma, omucunguzi wirhu aba muguma, ebitabu rhushangire biri mwanda. Acibe ngasi muguma akacisêza okuhira omu kalamo kâge hitya kuli ebiba omu Bibliya, rhwanayumva oku Mûka Muguma rhujira, muko rhweshi rhudwa, kuhabuka rhweshi rhuhabuka, ci Yezu Lungere Mwinja anakazirhuyabula n'okurhuhabûla bwinja. Kanji kanji rhulonza ebyarhuyâbire mpu abe owirhu ye bihalûla, erhi bimuyabira kula binarhuyabira, rhumuderhe mugoma. Rhwayibagire oku Mutagatifu Paolo arhubwiraga oku rhulungine nka birumbu bya mubiri muguma, ehi muguma akwanyanyize hyanayinjihya abemêzi boshi, n'ehi muguma ashabire hyanalenganya abemêzi banji (1Kr 12-13). Mulolage aha idako oku ebitabu bya Bibliya bikereka: **E Katolika, Emwa Ortodoksi, n'Emwa Abaprotestanti**. Ntaye wakabula ehi ayûbakirakwo n'owalonza okushâba arhakabula aha agwârhirira. Yezu adesire oku irhegeko likulu ozigire Nnâmahanga ozigire n'omwinyu muntu (cf. Mk 12, 38-34).

EBITABU BY'ENDAGANO YA MÎRA

Ebitabu birhanzi by' Amarhegeko

1. Omurhondêro (Murh)
2. Olubungo (Lub)
3. Bene Levi(Lev)
4. Emibalê (Mib)
5. Olushika (Lush)

EBITABU BY'ENGANÎRO

6. Yozwe (Yoz)
7. Abacîrânuzi (Bac)
8. Ruti (Rut)
9. 1Samweli (1Sam)
10. 2Samweli (2Sam)
11. 1Abami (1Bam)
12. 2Abami (2Bam)
13. 1 Enganîro(1Nga)
14. 2 Enganîro (2Nga)
15. Ezra (Ezr)
16. Nehemiya (Neh)
17. Tobiti (Tob)
18. Yuditi (Yut)
19. Esteri (Est)
20. 1Makabeyo (1Mak)
21. 2 Makobeyo (2Mak)

EBITABU BY'OBUMANYE

22. Ayubu (Ayu)
22. Ennanga (Lul)
24. Emigani (Mig)
25. Omuhanûzi (Muh)
26. Olwimbo lw'Enyimbo (Lwi)
27. Obushinganyanya (Bush)
28. Oburhimanya bwa Mwene-Sira (Burh)

EBITABU BY'ABALÊBI

29. Izaya (Iz)
30. Yeremiya (Yer)
31. Endûlù (End)
32. Baruki ((Bar)

33. Ezekiyeli (Eze)
34. Daniyeli (Dan)
35. Hozeya (Hoz)
36. Yoweli (Yow)
37. Amos (Am)
38. Abudiya (Abu)
39. Yona (Yon)
40. Mikeyo (Mik)
41. Nahumu (Nah)
42. Habakuki (Hab)
43. Sofoniya (Sof)
44. Hageyo (Hag)
45. Zakariya (Zak)
46. Malakiya (Mal)

EBITABU BY'ENDAGÂNO MPYAHYA

Emyanzi y'Akalembe yayandikagwa na:

1. Mutagatifu Mateyo (Mt)
2. Mutagatifu Marko (Mk)
3. Mutagatifu Luka (Lk)
4. Mutagatifu Yowane (Yn)
5. **Ebijiro by'Entumwa (Ebj)**

Amaruba ga Mutagatifu Paolo

6. Emwa Abaroma (Rom)
7. Amarhanzi emwa Abakorinti (1Kr)
8. Aga kabirhi emwa Abakorinti (2Kr)
9. Emwa Abagalasiya (Gl)
10. Emwa Abefezi (Ef)
11. Emwa Abafilipi (Fl)
12. Emwa Abakolosi (Kl)
13. Amarhanzi emwa Abatesalonika (1Ts)
14. Aga kabirhi emwa Abatesalonika (2Ts)
15. Amarhanzi emwa Timoteyo (1Tm)
16. Aga kabirhi emwa Timoteyo (2Tm)
17. Emwa Tito (Tt)
18. Emwa Filemoni (Fm)
19. **Amaruba gayandikiragwa Abahabraniya (Hb)**

Amaruba gayandikiragwa Abemêzi boshi

20. Aga Yakobo (Yk)
21. Amarhanzi ga Petro (1Pt)
22. Aga kabirhi ga Petro (2Pt)
23. Amarhanzi ga Yowane (1Yn)
24. Aga kabirhi ga Yowane (2Yn)
25. Aga kasharhu ga Yowane (3Yn)
26. Aga Yuda (Yd)
27. **Amafululo (Maf)**

IHANO OKU BASOMA ECI CITABU

Oluderho «Bibliya» luhenga omu luderho lw'ecigereki « Biblos », kwo kude-rha omu mashi «Citabu». Eci citabu ciderhwa ntyo bulya co citabu cilushire ebindi bitabu byoshi bya hano igulu; bulya muli eci citabu Nyamuzinda arhushambâlira rhzeshi, ashabâza abantu ba mîra n'aba ngasi mango. Nyamuzinda yene wâciyandikaga n'okuboko kw'omuntu. Neci, Ebibliya luli LUDERHO LWA NYAMUZINDA na kandi luli luderho lw'abantu. Eci citabu ciderhwa kandi citabu c'A MANDIKO MATAGATIfU bulya câya-ndikagwa

na Nyamuzinda .

Ebibliya ciri citabu c'okuli bulya cayandikagwa na Nyamuzinda; ebiyandisi-rwemwo biluslirire ebyamajirwa omu igulu lyoshi lyoshi. Muli eci citabu muyandisirwe kurhi Nyanmuzinda âcungulaga abanya-byâha. Nyamuzinda âbacumgulaga erhi ârhuma Omugala eno igulu mpu acîjire muntu. Oyo Mwana wa Nyamuzinda wacîjiraga muntu ye Yezu Kristu. Ye warhukûlaga omu buja bw'ecâha anarhucungula. Ye wârhumire endagâno y'omurhûla ekarhî ka Nyamuzinda n'abantu yajirikana. Kwo kurhuma eco cigabi c'Ebibliya cishambâla kuli Yezu Kristu ciderhwa Ndagâno Mpyahya .

Nyamuzinda alozagya okurheganya abantu kuli eyo Ndagâno Mpyahya y'omurhûla. Co cârhumaga ago mango ga mîrra alaganana n'olubaga Yezu Kri-stu aburhagwamwo, olubaga lwa Israheli.

Ecigabi c'Ebibliya cishambâla oku lubaga lwa Israheli ciderhrwa Ndagâno ya Mîra. Erhi omuntu ankalonza okuyumva bwinjinjaja emyanzi n'ebijiro bya Yezu Kristu n'eyindi myanzi yoshi y'Endagâno Mpyahya, arhegesirwe okumanya enyigîrizo z'ebitabu by'Endagâno ya Mîra .

Nyamuzinda acishozire bantu banji mpu bayandike ebi alonzagya okuderha omu Mandiko Matagatifu. Abo bantu bâlamaga kurhenga mîra omu Palestina-Israheli n'omu bihugo by'eburhambi bwâyo. Baguma bâyandika omu cihebraniya n'abandi omu cigereki. Baguma bâyandika binji, abandi bisungunu. Baguma bâyandika burhangiriza, abandi buzinda bwa nyuma. Kurhenga oku lwandiko lurhanzi kuhika oku luzinda, hàgezire hofi myâka cihumbi ciguma. Buzinda Amandiko gâhirwa muli citabu ciguma. Eco citabu câderhwa Bibliya

Erhi rhwakacîdôsa kurhi Bibliya yâhikaga e Bushi, rhurhegesirwe rhukengêre oku Amandko Matagatifu gâsomirwe burhanzi omu cihugo c'abagayandikaga. Ci kwône Nyamuzinda arhalonzagya okujirira olubaga luguma lwône aminja arheganyizagya igulu (Yn 3, 16). alonzagya abantu b'eno igulu boshi bagamanye n'okucîyigirizago. Co carhumire arhuma Nyâma Ekleziya mpu alole kurhi ankahugûla Ebibliya omu ndimi zoshi z'eno igulu (Fl 2,10-11). Ntyo nirhu rhwanahashisoma Ebibliya omu mashi. Cici cirhumire rhurhegesirwe okusoma Ebibliya? Ebibliya ederha emyanzi y'obucunguzi bw'abantu. Osoma erhi oyumva eyo myanzi ayish'imanya byoshi ebi Nyamuzinda âjîrîre abantu n'obuzigire bwâge. Ntyo abantu bâyish'iba n'obuhashe bw'okumanya Nyamuzinda n'enjira y'okucunguka. Na kulusha ebyo, Nyamuzinda ayandisize eyindi myanzi, nk'enyimbo z'obugashânize, amasâla, enyiganyo z'obwirhonzi n'amaruba

Ebibliya ebamwo bitabu 73 oku Bakatolika, 66 oku Baprostanti baguma baguma, 41 oku Bayahudi bulya banji muli bo baciba oku Ndagâno ya Mîra kwône.

RURHI RHWANKALONZA ERHI OKUBONA BINWA BILEBE OMU BIBLIYA

Kulya kuba Ebibliya egabirwemwo bitabu binji na ngasi citabu cirimwo ebigabi n'emilongo, kuli kwa bulagirire okumanya ecitabu, ecigahi n'omulongo, lyo rhubona ebinwa byalonzibwa. Ecitabu cîmanywe omu izîno lyâco erhi obwofi bw'izîno lyâco ; omubalè gumananyise ecigabi n'omulongo. - Rhulole bwinja: omu citabu c'Ennanga, nta bigabi, ci ziri nnanga zone. amazîno g'ebitabu n'ag'abantu galimwo okuhubula kw'enfarasè n'ecigereki. ci okuba amashi gayegire ecihebraniya kulusha enfarasè na kulusha ecigereki, hali mazîno maguma ga bitabu n'ag'abantu rhwakahubula kundi omu mashi kushimbana n'oku bagahubula omu cihebraniya . Enyiganyo ziri nyinji:

Yozafati rhwanamuderha YEHOSHAFAT, kwo kuderha Nyakasane otwa emanja

Yokoziyasi rhwanamuderha AHAZIYAHU

Yowasi rhwanamuderha YOWASH

Amaziyasi rhwanamuderha AMAZIYAHU

Azariyasi rhwanamuderha AZARIYAHU

Akaz rhwanamuderha AKHAZ erhi AHAZ

Yezekiyahu rhwanamuderha HIZEKIYAHU

Manasè rhwanamuderha MENASHè

Yoziasi rhwanamuderha YOSHIYAHU

Sedekiyasi rhwanamuderha SEDEKIYAHU

Yoyakimu rhwanamuderha YEHOUYAKIMU

Yekoniyasi rhwanamuderha YEKONYAHU

Ezekiyasi rhwanamuderha YEHIZEKIYAHU

Owiyasi rhwanamuderha UZIYAHU

Yozwe rhwanamuderha YEHOSHUWA, YESHUWA

Yezu rhwanamuderha YEHOSHUWA, YESHUWA

Musa rhwanamuderha MOSHE

Rebeka rhwanamuderha RIVKA

Yeremiya rhwanamuderha YEREMIYA erhi YERMIYAHU erhi YEREMIYAHU erhi YIRMIYAHU
Ezekiyeli rhwanamuderha YEHEZEKIYELI, kuderha "Nyamuzinda ohâna emisi"

Rhukasoma n' okuyandika ntya:

Enkomedu y'e Bulaya

Mateyo 1, 21 : kuli kuderha Emyanwi y'Akalembe ya Mateyo. cigabi ca burhanzi, mulongo gwa kali makumi abirhi na muguma

Mateyo 1,1-17: Emyanzi y'AkaJembe ya Mateyo, cigabi ca burhanzi, mulongo gwa burhanzi kuhika gwa kali ikumi na nda

Mateyo 1,1,17: Emyanzi y'Akalembe ya Mateyo, mulongo gwa 17

Marko 15, 42-16, 8: Emyanzi y' Akalembe ya Marko, kurhenga oku cigabi ca 15, mulongo gwa 42 kuhika oku cigabi cigabi ca 16, mulongo gwa 8: Mk 15.42-16.8).

Ebjiro 24-26: Citabu c'Ebjiro by'Enlumwa. kirhenga oku cigabi ca 24 kuhika oku cigabi ca 26 (kwo kuderha: cigabi ca 24, eca 25; n'eca 26): Ebj 24 -26.

Enkomedu ya Amerika na internet bôhe balugiyandika ntya:

Mateyo 1: 21 kuli kuderha Emyanwi y'Akalembe ya Mateyo. cigabi ca burhanzi, mulongo gwa kali makumi abirhi na muguma: Mt 1:21

Mateyo 1: 1-17: Emyanzi y'AkaJembe ya Mateyo, cigabi ca burhanzi, mulongo gwa burhanzi kuhika gwa kali ikumi na nda: Mt 1: 1-17

Mateyo 1:1,17: Emyanzi y'Akalembe ya Mateyo, mulongo gwa 17 : Mt 1: 1,17

Marko 15: 42-16: 8: Emyanzi y' Akalembe ya Marko, kurhenga oku cigabi ca 15, mulongo gwa 42 kuhika oku cigabi cigabi ca 16, mulongo gwa 8: Mk 15:42-16:8.

Ebjiro 24-26: Citabu c'Ebjiro by'Enlumwa. kirhenga oku cigabi ca 24 kuhika oku cigabi ca 26 (kwo kuderha: cigabi ca 24, eca 25; n'eca 26): Ebj 24 -26.

Hali abagusha ezo nkomedu zombi oku internet

Mateyo 1. 21 : kuli kuderha Emyanwi y'Akalembe ya Mateyo. cigabi ca burhanzi, mulongo gwa kali makumi abirhi na muguma

Mateyo 1.1-17: Emyanzi y'AkaJembe ya Mateyo, cigabi ca burhanzi, mulongo gwa burhanzi kuhika gwa kali ikumi na nda

Mateyo 1.1,17: Emyanzi y'Akalembe ya Mateyo, mulongo gwa 17

Marko 15. 42-16.8: Emyanzi y' Akalembe ya Marko, kurhenga oku cigabi ca 15, mulongo gwa 42 kuhika oku cigabi cigabi ca 16, mulongo gwa 8: Mk 15.42-16.8.

Ebjiro 24-26: Citabu c'Ebjiro by'Enlumwa. kirhenga oku cigabi ca 24 kuhika oku cigabi ca 26 (kwo kuderha: cigabi ca 24, eca 25; n'eca 26): Ebj 24 -26.

EBINWA BIZIRIKE N'AMAFUNDO

() : binwa birhali by'omwandisi mutagatifu hano ci binwa by'àyushûlagwa n'ozundi muntu walo-nzagyao kuzâbûfa erhi kuhugûla bwinjinja kurhi ayumvirhe Arnandiko rnatagatifu aha honènè.

[] : binwa birhali by'omu nzîmbo erhi nzîngè zoshi za mîra zayandikagwa n'okuboko, ci biri binwa biri omu nzîmbo erhi nzingè nguma nguma zone.

- - : binwa byayûshûlagwa n'Omwandisi mutagatifu yênenè

ENYUSHÛLO

Muli eyi bibliya ntagatifu rhwajabonamwo binwa bigumabiguma biyûshûle birhanali by'àmu Mandiko matagatifu.

Abahinduzi balesire ebyo binwa aho bulya babwine oku byanarhabala omusomi okuzâbûla, okurhimanya bwinja Amandiko matagatifu, binamurhabale okushimba n'okulama akanwa ka nnâmahanga nk'oku nyâma Ekleziya akayumva, akayigiriza anakashimba omu kalamo kage.

Binwa bya mwene ebyo biri biyandike kundi kundi, ah'idako oku makaratasi maguma maguma, erhi aha buzinda bw'ecitabu cizinda c'Ebibliya ntagatifu.

EBITABU BIRHANU BY'AMARHEGEKO

Enshokolezi

Ebitabu birhanu birhanzi by'Ebibliya biderhwa: Omurhondêro, Olubungo Bene-Levi, Emibalè n'Olushika. Ebi bitabu birhanu byoshi haguma byaderhagwa n'Abayalwdi «Torati» kwo kuderha Amarhegeko. Bishambliila:

- 1. oku ba mîra bwenêne,*
- 2. oku by'amango ga Musa,*
- 3. oku mahano g'okutwa emmanja.*

Owayandikaga buzinda ebyo bitabu akolesize amahano ga mîra, agahira haguma, na ntyo ajira entondekanye eri nk' ey' Ebibli ya yirhu y'ene. Eyo mikolohi yajiragwa oku burhegesi bwa Nyamuzinda yene. Ebyo bitabu birhanu bishambâla kurhi Nnâmahanga acîmanyisagya Adamu na Eva, Nuhu, Abrahamu, Izaki na Yakobo. Nnâmahanga âlaganana nabo n'ago malaganyo gajiriragwa bwenêne kulusha ecihugo bashakulûza bâbo bâlamagamwo co cihugo bâlaganyibagwa.

Eyo myanzi eri y'ensiku n'amango, yayish' iyôrha ciru n'enyuma lya Kristu. Eyo myanzi y'obucunguzi eyerekîre Kristu. Kristu ayunjuzize Amalaganyo Mahyahya gâderhagwa omu Malaganyo ga Mîra: arhujira bakristu. Abakristu bali bâna bw'okuli ba Abrahamu omu buyemêre (Ga 3). Abrahamu ali ishe mulezi , z'okuhabûla olubaga lwa Nnâmahanga nuli Kristu. Co cirhumire Amalaganyo Mahyahya garhali go magumà n'aga Mîra; gagayushûla n'okugayunjuliza .

Ebyabâga amango ga bashakulûza n'amango ga Musa (entûlo ya Izaki, kuyikira Enyanja y'Amasheke, Basaka) lubà lwiganyo lw'Amarhegeko mahyahya (etûlo ya Kristu. obubarizo, Basaka wa Bakristu). Na kandi omu njira okugaluka emwa Nyarnuzinda luli lwiganyo lwa ngasi muntu ogerera muli eyo njira y'okulibula aka Israheli, lubaga lwishogwa lwa Nnamahanga.

OLUKALABA LW'EBITABU OMU BIBLIYA YA MAHEBRANIYA

Ebitabu birhanu birhanzi: Tora/Nyigirizo/Marhegeko

MURHONDÊRO / GENÈSE (: bereshit "Aha murhondêro ")
LUBUNGO / EXODE (: shemôt " Amazîno ")
BENE LEVI / LÉVITIQUE (: wayyiqra' " Ahamagala ")
MIBALE / NOMBRES (: bemidbar " Omw'irungu ")
LUSHIKA / DEUTÉRONOME (: debarîm " Ebinwa ")

Ebitabu by'Abalebi, "Nebiim", biri mwo:

Abalebi barhanzi:

YOZWE / JOSUÉ
ABACIRÂNUZI / JUGES
1SAMWELI / SAMUEL
2SAMWELI / SAMUEL
1BAMI / 1ROIS
2BAMI / 2 ROIS
YESHAYAHU / ÉSAIE (ISAIE)
YEREMİYAHU / JÉRÉMIE
YEHEZEKIYELI/EZECHIEL

Abalebi bazinda:

HOZEYA / OSÉE,
YOWELI / JOEL,
AMOSI / AMOS,
ABUDIYA / ABDIAS,
YONA / JONAS,
MIKEYO / MICHÉE,
NAHUMU / NAHOUM,
KABAKUKI / HABACUC,
SOFONIYA / SOPHONIE,

HAGAYI / AGGÉE
ZAKARIYA / ZACHARIE,
MALAKIYA/MALACHIE.

Agandi mandiko (Ketubim)

ENNANGA / PSAUMES
AYUBU / JOB
EMIGANI / PROVERBES

RUBUNGO RHURHANU / MEGILLOT basoma amango g'ensiku nkulu z'Abayahudi
RUTI / RUTH : (Semaines, Lukulu lw'Emigobe, Shavu'ôt).
OLLIMBO LW'ENYIMBO / CANTIQUE DES CA (Israheli muhya wa Nyakasane) (Basâka).
MUHANŪZI / ECCLÉSIASTE (Qohéleth) (kurhanya oku burhimanya bwa mira) (Sukkôt).
NDULU / LAMENTATIONS (kukengera okushabwa kw'aka-Nyamuzinda / Tisha Beav).
ESTERI / ESTHER (oku lukulu lwa Purimi).
DQNIYELI / DANIEL:
EZRA / ESDRAS
NEHEMIYA / NÉHÉMIE :
1ENGANÎRO / 1 CHRONIQUES (dibrê hayyamîm)
2ENGANÎRO / 2 CHRONIAUES (dibrê hayyamîm)

EBITABU BYA BIBLIYA BYAKOLAGWA N'AMABOGO EMBERE AMASINI G'EBITABU GAMANYIKANE

Kuhika 1054, aba kucigaba k'Ebushoshokero n'Ebuzikiro kwa Ekleziya, ci bwenene okucigaba kwa 1517 Papa na Lutheri, ngasi baguma bakakolesa ebitabu banaligzerhe: ba Ortodoksi ebyabo, Abakatolika ebyabo, Abaprotestanti ebyabo, Abayahudi ebyabo.

Abakristu b'omu bigamba birhenga kuli bulya Buhindule bwa Martin Luther lwo bashimba lw'Abayahudi oku biyêrekire Endagano ya Mîra. Co cirhuma kurhenga 1517, barhajira:

1 Makabeyo
2 Makabeyo
Bushinganyanya
Burhimanya bwa Mwene Sira
Yuditi
Baruki
Amaruba ga Yeremiyahu
Olubanja lwa Suzana
Olwimbo lw'Emisole Isharhu ya muli Daniyeli

Ebyo bitabu byo Abayahudi balahiraga omu mwâka 90 enyuma za Kristu, bulya bali burhe bw'Abaroma babashabiraga Aka-Nyamuzinda omu 70, banabahambalikanyakwo Abakristu n'obwo bohe bali kola bayôrha bakolesa ebyo bitabu bulya byali omu LXX, Bibliya Cigereki yahindulagwa n'Abayahudi b'e Alezandriya e Misiri myaka hofi 300 embere Kristu aburhwe. Haligi na bitabu biguma muli ebîra, ci byayandikagwa omu cigereki . Baderha oku ecirhacigwerhi mandiko ga mahebraniya cirhacikwanini.

NGASI CIGAMBA N'EBYACO BITABU OKU NDAGANO YA MÎRA

|Bibliya Katolika:
Omurhondêro;
Olubungo;
Bene Levi;
Emibalê;
Olushika;
Yozwe ;
Abacîrânuzi;
Rut;
1Samweli;
2 Samweli;
1Abami;
2Abami;

1Enganîro;
2Enganîro;
Ezra;
Nehemiya;
Tobiti;
Yuditi;
Esteri;
1Makabeyo;
2Makabeyo;
Ayubu;
Ennanga;
Emigani;
Omuhânûzi;
Olwimbo lw'Enyimbo;
Obushinganyanya;
Oburhimanya bwa Mwene Sira;
Izaya;
Endulu;
Baruki;
Yehezekiyeli;
Daniyeli;
Yoweli;
Amosi;
Abudiya;
Yona;
Mikeyo;
Nahumu;
Sofoniya;
Hageyo;
Zakariya;
Malakiya
|Bibliya Ortodoksi;

Omurhondêro;
Olubungo;
Bene Levi;
Emibalè;
Olushika;
Yozwe ;
Abacîrânuzi;
Rut;
1Samweli;
2 Samweli;
1Abami;
2Abami;
1Enganîro;
2Enganîro;
Isala Iya Manasè;
Yubileyo;
Henoki;
3(2)Ezra;
4(3)Ezra;
Ezra;
Nehemiya;
Tobiti;
Yuditi;

Esteri;
1Makabeyo;
2Makabeyo;
Ayubu;
Ennanga;
Emigani;
Omuhanûzi;
Olwimbo lw'Enyimbo;
Obushinganyanya;
Oburhimanya bwa Mwene Sira;
Izaya;
Endulu;
Baruki;
Yehezekiyeli;
Daniyeli;
Yoweli;
Amosi;
Abudiya;
Yona;
Mikeyo;
Nahumu;
Sofoniya;
Hageyo;
Zakariya;
Malakiya

|Bibliya ya Baprotestanti :

Omurhondêro;
Olubungo;
Bene Levi;
Emibalè;
Olushika;
Yozwe ;
Abacîrânuzi;
Rut;
1Samweli;
2 Samweli;
1Abami;
2Abami;
1Enganîro;
2Enganîro;
Ezra;
Nehemiya;
Esteri;
1Makabeyo;
2Makabeyo;
Ayubu;
Ennanga;
Emigani;
Omuhanûzi;
Olwimbo lw'Enyimbo;
Izaya;
Yeremiyahu
Endulu;
Yehezekiyeli;

Daniyeli;
Yoweli;
Amosi;
Abudiya;
Yona;
Mikeyo;
Nahumu;
Sofoniya;
Hageyo;
Zakariya;
Malakiya

ENDAGANO MPYAHYA |Katolika, Ortodoksi na Protestanti boshi biguma: bitabu 27:

Emyanzi y'Akalembe yayandikagwa na:

1. Mutagatifu Mateyo (Mt)
2. Mutagatifu Marko (Mk)
3. Mutagatifu Luka (Lk)
4. Mutagatifu Yowane (Yn)
5. **Ebijiyo by'Entumwa (Ebj)**

Amaruba ga Mutagatifu Paolo

6. Emwa Abaroma (Rom)
7. Amarhanzi emwa Abakorinti (1Kr)
8. Aga kabirhi emwa Abakorinti (2Kr)
9. Emwa Abagalasiya (Gl)
10. Emwa Abefezi (Ef)
11. Emwa Abafilipi (Fl)
12. Emwa Abakolosi (Kl)
13. Amarhanzi emwa Abatesalonika (1Ts)
14. Aga kabirhi emwa Abatesalonika (2Ts)
15. Amarhanzi emwa Timoteyo (1Tm)
16. Aga kabirhi emwa Timoteyo (2Tm)
17. Emwa Tito (Tt)
18. Emwa Filemoni (Fm)
19. **Amaruba gayandikiragwa Abahabraniya (Hb)**

Amaruba gayandikiragwa Abemêzi boshi

20. Aga Yakobo (Yk)
21. Amarhanzi ga Petro (1Pt)
22. Aga kabirhi ga Petro (2Pt)
23. Amarhanzi ga Yowane (1Yn)
24. Aga kabirhi ga Yowane (2Yn)
25. Aga kasharhu ga Yowane (3Yn)
26. Aga Yuda (Yd)
27. **Amafululo (Maf)**